

皇朝經世文續編

皇朝經世文續編卷六十二目錄

兵政一 兵制上

伊犁駐兵書始

入旗兵制攷

簡練軍實疏

論直隸添設六軍疏稿

答劉霞仙茂才書

整頓營務議

請整頓額兵疏

松筠

姚文棟

曾國藩

倭仁

江忠源

龍汝霖

沈葆楨

皇朝經世文續編卷六十二

上海葛士榕子源輯

兵政一 兵制上

伊犁駐兵書始

松筠

新疆滿洲綠營官兵分布南北兩路有駐防換防之分駐防者攜眷之兵永遠駐守惟伊犁及烏魯木齊古城巴里坤滿洲綠營皆然土魯番滿營兵亦如之北路之塔爾巴哈台滿兵則自伊犁調撥南路之喀什噶爾英吉沙爾葉爾羌烏什阿克蘇滿兵則自烏魯木齊古城巴里坤調撥其綠營兵則自內地調撥皆輪班更替非常駐者也伊犁地極西徼又爲將軍帥庭故較之烏魯木齊駐兵尤多有滿洲蒙古八旗兵有綠營屯兵有錫伯索倫察哈爾厄魯特等兵環衛森嚴所以靖邊圉而資控馭最爲整肅溯其始駐之年各有不同惠遠城滿營始自乾隆二十九年至三十一年由熱河涼州莊浪移駐惠甯城滿營始自乾隆三十五年至三十六年由西安移駐錫伯營始自乾隆三十年由盛京移駐索倫達虎爾營始自乾隆二十九年由黑龍江移駐察哈爾營始自乾隆二十九年由張家口外移駐厄魯特有自乾隆二十九年由熱河移駐者爲達什達瓦厄魯特達什達瓦者準噶爾台吉小策零敦多卜之子爲其汗喇嘛達爾札所殺屬衆投誠安插熱河事在準噶爾未滅之前有自準噶爾既滅於乾隆二十五年以後陸續招撫並由哈薩克布魯特投出者又有沙畢納爾人等於乾隆三十六年隨土爾扈特歸順安插伊犁者此外綠營屯兵則自乾隆二十五年以後三十五年以前由陝甘兩省陸續移駐至四十三年始改爲攜眷者此各營官兵先後駐防之大畧也

附官制兵額

南北路疆域底定參贊大臣阿桂於乾隆二十五年由南路帶兵至伊犁鎮守開屯爲辦事大臣
二十七年設伊犁將軍總統新疆南北兩路

二十八年設領隊大臣一員管理察哈爾營官兵事務

二十九年設領隊大臣一員管理索倫營官兵事務

三十年設領隊大臣一員管理厄魯特營官兵事務

將軍統轄外夷設營務處派協領佐領等官總理其事沿邊卡倫嚴禁私行出入如本管某營領隊大臣巡查所管卡倫由某卡至某卡各該卡倫侍衛隨時具報營務處稟知將軍雖領隊大臣亦不得擅出卡倫凡應出卡倫公幹者俱由營務處請示將軍傳檄爲憑除照例貿易者外如有外來夷衆卡倫侍衛立即具報營務處稟知將軍定奪至各營官兵缺出其應選者營務處查其功過稟知將軍揀選挑補所有將軍閱操一切事務俱隸營務處

滿營檔房派協領佐領等官總司入旗官兵一切事務印房掌關防司員一員幫辦一員專管一切日行事件及吏兵各部應行咨覆者俱由印房承辦稿案內由京派來司員一員本處保陞主事職銜一員摺奏處印房兼管派本處協領及保陞主事職銜併筆帖式等專司其事

功過處印房兼辦專管入旗官員功過登記檔案

糧餉處掌關防司員一員幫辦三員專管錢糧支發文案及年終造冊報銷並關涉戶工二部事件一切稿

案俱由糧餉處承辦內由京派來司員一員由京廢員賞給職銜派來者二員本處保陞主事職銜一員

駝馬處掌關防司員一員幫辦一員專管各部收放孳生牛馬冊籍及哈薩克貿易牲等事由京廢員賞

給職銜派來一員本處保陞主事職銜一員

管倉糧員四員分駐惠甯城固爾札綏定城塔爾奇城四處專司各倉收放糧石或請由京廢員賞銜派來更換或由現任伊犁糧餉駝馬等處當差之已賞職銜廢員內奏請調補遺缺仍請由京補派以上共十二員由京派來者九員年滿時請派京員更換本處保陞者三員缺出仍與本處筆帖式揀選奏請補用本處如不得人仍請京員

管糧同知一員由陝甘同知官內調取管理倉庫錢糧綢緞布疋各項收放等事三年更換

筆帖式四員內印房二員糧餉處一員駝馬處一員俱由本處筆帖式內挑補三年期滿願進京者以部缺用願留本處者以驍騎校用如本處筆帖式內保陞主事職銜委署章京及七年期滿願進京者引見以部缺用願留本處者以防禦用其由主事職銜保陞本處同知者七年期滿送部引見開缺另行奏補

委筆帖式八員內營務處二員滿營檔房一員印房二員糧餉處一員駝馬處一員南北臺站七員俱由本處滿兵帖寫內挑補報部准戴六品頂五年期滿保列一等者以驍騎校用二等者撤回本營當差卡倫侍衛十五員除在城營務處酌留一二員餘俱分撥卡倫卽帶各營官兵駐守俱係由京侍衛章京派來三年更換

撫民同知一員管理九城牲畜煤鑒稅賦並房租地租錢局廠工及一切商民綠營命盜詞訟案件理事同知一員管理兩城滿營各部落回子等一切命盜脫逃各案及旗民交涉事件

巡檢四員內惠遠城一員專司監獄惠甯綏定霍爾果斯三城各一員俱由陝甘現任內調補三年俸滿調員更換俟新任到後協辦半年回至本地候陞

乾隆二十九年止調熱河涼州莊浪滿兵蒙古官兵攜眷移駐惠遠城

協領八員 佐領四十員 防禦四十名

驍騎校四十員

內空藍翎八員

世襲恩騎尉二員

催總四十員

領催一百二十名

前鋒三百二十名

內委金頂藍翎前鋒校四十名小旗四十名另

由佐領內選委前鋒翼長二員以爲前鋒統轄又由佐領防禦內選委前鋒章京八員各管一旗前鋒

馬甲二千八百名

內八旗共委前鋒二百名 砲手四十名步甲六百

名 匠役八十名

養育兵二百四十名

五十五年將軍保甯奏明添烏槍步甲四百名

乾隆三十五年起三十六年止調西安滿洲蒙古官兵攜眷移駐惠甯城設領隊大臣一員專管

協領四員

佐領十六員

防禦十六員

驍騎校十六員

內空藍翎四員

世襲恩騎尉三員

委筆帖式二員

催總十六名

領催六十四名

前鋒一百六十名

內委金頂

藍翎前鋒校十六名小旗十六名由佐領選委前鋒翼長一員以爲前鋒統轄又由佐領防禦內選委前鋒章京四員每員專管兩旗前鋒

馬甲一千四百五十六名

內八旗共委前鋒四

十砲手十六名

匠役四十八名

養育兵六十四名

乾隆三十年自

盛京調錫伯營官兵一千戶移駐設領隊大臣一員專管

總管一員

副總管一員

佐領八員

驍騎校八員

委藍翎侍衛四員

由領催披甲內委筆挑補輪住卡倫

帖式二員

領催三十二名

兵九百六十八名

以上錫伯營官兵現在伊犁河南駐牧屯種自食隨時操演烏槍騎射

乾隆二十九年調黑龍江索倫達虎爾官兵一千戶移駐設領隊大臣一員專管

總管一員

副總管一員

佐領八員

驍騎校八員

委藍翎侍衛四員

由前鋒領催內委筆挑補輪住卡倫

帖式二員

前鋒校四名

前鋒三十六名

領催三十二名

兵九百六十八名

養育兵

一百名

以上索倫官兵在奎屯薩瑪爾地方游牧種地自食達虎爾官兵在霍果爾斯科河一帶建蓋房屋居種地自食隨時操演鳥槍騎射

乾隆二十九年自張家口外移駐察哈爾八旗官兵一千八百戶三十二年將軍阿桂奏明分入旗左右翼每翼九百員名設領隊大臣一員專管

左翼

總管一員

副總管一員

佐領八員

驍騎校八員

委藍翎侍衛三員

由領催披甲內委筆
旗補輪住卡倫

帖式一員

領催三十二名

兵八百六十八名

右翼

總管一員

副總管一員

佐領八員

驍騎校八員

委藍翎侍衛三員

由領催披甲內委筆
旗補輪住卡倫

帖式一員

領催三十二名

兵八百六十八名

前因該營閑散幼丁甚少不敷挑補甲缺於乾隆三十八四十四五十五等年奏明由厄魯特營閑散內三次撥入察哈爾營四百二十戶

以上察哈爾左右兩翼官兵現在博羅塔拉哈布塔海賽里木淖爾一帶地方游牧種地自食並分司官馬牛羊牧廠隨時操演矛桿鳥槍開習騎射

乾隆二十九年自熱河攜眷移駐達什達瓦厄魯特官兵五百員名編為左翼除設總管佐領驍騎校等官原設領催兵丁五百名

乾隆二十五年起陸續招撫厄魯特及由哈薩克布魯特陸續投出厄魯特編爲右翼除設總管佐領驍騎校等官原設領催兵丁七百名

乾隆三十三年將軍阿桂奏明左翼列爲上三旗右翼列爲下五旗各總管一員副總管一員每旗佐領一員驍騎校一員管轄自二十九年移駐熱河厄魯特後三十年設領隊大臣一員專管

乾隆三十七年將軍舒赫德奏言投誠土爾扈特內安插伊犁之沙畢納爾人等共八百六十七名歸入下五旗厄魯特添設副總管佐領驍騎校等官管束欽奉

恩旨伊犁厄魯特生齒日繁又有隨土爾扈特投來沙畢納爾人等著加恩給賞錢糧以資養贍等因欽此經將軍舒赫德奏明上三旗添給五錢錢糧一百九十六分下五旗添給五錢錢糧二百三十八分沙畢納爾添給五錢錢糧二百六十七分

乾隆六十年將軍保甯因伊犁厄魯特閑散人等出差鞍馬等項俱係自備不能官爲辦給奏奉諭旨上三旗加添錢糧四百六十八分下五旗加添錢糧七百六十分沙畢納爾加添錢糧三百零四分

上三旗

總管一員

副總管一員

佐領六員

驍騎校六員

委藍翎侍衛三員

此缺在兵數內

食二兩領催

二十四名

食一兩五錢披甲三名

食一兩披甲四百七十三名

食五錢披甲六百六十四名

領催披甲共一千一百六十四名

內有筆帖式一員

又世襲雲騎尉三員

頭等臺吉一員

四等臺吉

三員

下五旗

總管一員

副總管一員

佐總十員

驍騎校十員

委藍翎侍衛三員

此缺在兵數

食二兩領催

四十名

食一兩披甲五百名

食五錢披甲一千零七十七名

領催披甲共一千六百一十七名

名

又世襲雲騎尉二員

現存拜唐阿二名

沙畢納爾營

此項官兵俱屬下五旗總管副總管所轄

副總管一員

佐領四員

驍騎校四員

食二兩領催十六名

食一兩委領催十六名食五

錢披甲五百七十一名

領催披甲共六百零三名

又土爾扈特三等翼吉一員

以上厄魯特官兵上三旗在特克斯察林塔瑪哈一帶地方游牧種地自食下五旗在霍諾海崆吉斯一帶

地方種地自食並分司官馬牛羊駝隻牧廠隨時操演矛桿鳥槍閒習騎射

乾隆二十五年起陸續調撥綠營兵三千名駐守伊犁屯田按期更換四十二年將軍伊勒圖奏明將屯田

兵改為攜眷移駐額缺三千名以一千八百名種地一千二百名當差隨時操演設屯鎮總兵管轄

總兵一員專理屯田及兵丁操防等事

中營駐紮定城

游擊一員

守備一員

千總一員

把總四員

經制外委六員

額設外委六員

馬

步兵各三百名

左營駐廣仁城

游擊一員

守備一員

千總二員

把總四員

經制外委六員

額設外委六員

馬

步兵各三百名

右營駐瞻德城

都司一員 守備一員

千總一員

把總四員

經制外委六員

額設外委六員

馬

步兵各三百名

霍爾果斯營駐拱宸城

參將一員 守備一員

千總一員

把總四員

經制外委六員

額設外委六員

馬

步兵各三百五十名

巴彥岱營駐熙春城

都司一員 千總一員

把總一員

經制外委三員

額設外委三員

馬步兵各一百五十名

十名

塔爾奇營駐塔爾奇城

霍爾斯果營
參將兼轄

守備一員 千總一員

把總一員

經制外委二員

額設外委二員

馬步兵各一百名

乾隆五十五年署將軍永保奏准設北關汛稽查盜賊派撥守備一員把總一員外委二員兵丁一百名駐

北關汛地

嘉慶十年將軍松筠奏明惠遠城北關汛原派兵一百名不足以資巡防請於中左右等六營抽撥差兵一

百移赴北關汛一同駐守原設守備員弁照料難周並請於鎮標左右營內添撥把總一員經制外委額設

外委各一員移駐彈壓奉 硃批知道了欽此

附額設兵書向例由涼州西甯各鎮選派三年期滿咨調更換其辦事奮勉者再留一年移咨陝督以經制外委補用副經將軍伊勒圖奏明准照部院繁缺書吏年滿免考以各項微員選用嘉慶五年接准部咨准照新疆書吏五年役滿咨部製籤未入流職銜發給執照令其承領如遇該書吏辦事勤謹留駐二年於年滿時出具考語咨部請照新疆議敘書吏年滿之例歸於雙月陞選十缺之後選用駐冊若再留二年始終奮勉期滿咨部照例卽選嘉慶五年將軍保甯奏明伊犁印房糧駝馬三處原設額缺書識十四名向例由內地涼州西甯二鎮營調派六名作爲三年更換其餘八名俱在伊犁屯田兵丁內挑派頂補伊犁自乾隆四十四五等年移駐鎮標攜眷兵丁以來迄今二十餘年該營幼丁習學文字者日漸增多書算頗不乏人況由內地撥書識自本營起程例得騾價安家等項銀兩及至出口又須乘騎台馬支食鹽菜口糧殊多糜費今本處兵丁既書算得人其內由內地調撥書識六名似可停其咨調以節糜費倘日久遇有缺出伊犁一時實在頂補乏人再爲照例由內地調派等因遵行在案

入旗兵制攷

姚文棟

國家龍興之初初立入旗入旗兵凡六萬人合滿洲蒙古漢軍爲一天聰間分蒙古爲入旗兵萬六千八百四十崇德間又分漢軍爲入旗兵二萬四千五十自後歸附日衆生齒日繁兵亦日增無定額順治元年世祖章皇帝定都燕京各入旗兵從龍入關者不下二十萬其時都統準塔征山東英王征陝西豫王征江淮每路兵各五六萬而京師宿衛之兵及內大臣和洛輝留守盛京者亦各數萬蓋不啻再倍於從前矣天下既定乃別八旗之色而定其方位於所勝之方正黃鑲黃位北方正白鑲白位東方正紅鑲紅位西方正藍鑲藍位南方位藍於南方者以藍代黑故也今攷乾隆嘉慶來入旗之兵制大略有二端曰禁旅曰駐防京師禁旅分

隸於入都統入都統者入旗各一滿蒙漢都統所統曰驍騎營其隸驍騎營者曰馬甲馬甲之優者選以司檔冊俸餉曰領催領催馬甲之外掌治軍器者曰匠役凡滿蒙漢領催馬甲共三萬四千六百二十七匠役名目不一有弓匠鐵匠鞍匠鑢匠銅匠及箭匠骸頭匠之別共千三百九十一皆屬於入都統其不屬入都統者曰前鋒營曰護軍營

又有圓明園護軍則爲營

曰火器營曰健銳營各隸於統領及總統大臣與領侍衛內大臣所屬之親

軍皆司宿衛扈警蹕焉前鋒護軍入旗之精銳親軍惟上三旗有之健銳即雲梯兵亦爲前鋒火器亦即護軍所屬有礮甲有鳥槍護軍統計親軍前鋒各千七百七十護軍萬五千四十五健銳二千礮甲鳥槍護軍六千一百九十五之萬七千七百十人者皆滿洲蒙古兵漢軍不得與而漢軍驍騎營所附設之礮甲三百二十人藤牌兵八百人昇鹿角兵一千一百六十八人亦滿洲蒙古驍騎營所無惟步軍營領催步軍二萬一千一百五十人則合滿蒙漢以爲營與驍騎營同而別隸於統領他如虎槍營兵六百人善撲營勇士三百人各簡大臣以統之此入旗禁旅之大略也入旗兵之駐防在外者其制與禁旅不同禁旅滿蒙漢各爲營而駐防則合滿蒙漢以爲營也駐防之地幾輒凡二十五東三省各城凡四十四各省凡二十新疆等處凡八大抵受治於城守尉防守尉而統之將軍都統及副都統其新疆之伊犁烏魯木齊則以領隊大臣治之如城守尉防守尉之制東三省盛京吉林黑龍江以及福州廣州乍浦皆於騎步外別設水師營吉林黑龍江又有火器亦別爲營凡駐防驍騎營八千七百五十八新疆兵萬五千一百四十東三省兵三萬五千三百六十各省兵四萬五千五百四十八此外則有守陵寢守圍場守邊門之兵二千九百七十總計邊腹地駐防兵十萬七百有奇與禁旅數相同焉若夫打牲游牧之隸入旗者除吉林三姓城打牲壯丁不編佐領外黑龍江打牲九十七佐領及喀爾喀呼倫貝爾游牧諸旗百七十佐領共兵萬五千有奇此入旗駐防之大略也夫開國以來涵濡休

養者二百餘年入旗佐領丁壯當愈增而兵則有定額故嘉慶來會典所載京師滿洲佐領六百八十一蒙古佐領二百有四漢軍佐領二百六十六駐防佐領八百四十共二千佐領之數當有壯丁三十萬駐防佐領之外又有防禦所轄者亦不下數萬而中外禁旅駐防額兵常不過二十萬人此外惟養育兵二萬七千有奇著有定額計旗人閒散無口糧者尚不啻十萬有餘其人不能爲農工商賈而朝廷又無以給其欲而遂其求則其事育無資俯仰皆窘固可槩見當事者所當量爲變通而汲汲然爲謀生計也若夫入旗左右翼之界限上下包衣之次序不詳著云

懷魏源撰聖武記在道光季年通稱八旗兵二十萬而成豐元年曾文正疏言八旗兵三十五萬兩代並近所習各殊激曾總佐領數言之而魏舉兵額實數也

簡練軍實疏 成豐元年

曾國藩

臣竊維天下之大患蓋有二端一曰國用不足一曰兵伍不精兵伍之情狀各省不一漳泉悍卒以千百械鬪爲常黔蜀冗兵以勾給盜賊爲業其他吸食鴉片聚開賭場各省皆然大抵無事則游手恣睢有事則雇無賴之人代充見賊則望風奔潰賊去則殺民以邀功章奏屢陳諭旨屢飭不能稍變錮習至於財用之不足內外臣工人人憂慮自庚子以至甲辰五年之間一耗於夷務再耗於庫案三耗於河決固已不勝其浩繁矣乙巳以後秦豫兩年之旱東南六省之水計每歲歉收恆在千萬以外又發帑數百萬以賑救之天下財產安得不絀宣宗成皇帝每與臣下言及開捐一事未嘗不咨嗟太息憾宦途之濫維悔取財之非計也臣嘗卽國家歲入之數與歲出之數而通籌之一歲本可餘二三百萬然水旱偏災堯湯不免以去年之豐稔而江浙以大風而災廣西以兵事而緩計額內之歉收已不下百餘萬設更有額外之浮出其將何以待之今雖捐例暫停而不別籌一久遠之策恐將來仍不免於開捐以天下之大而無三年之蓄汲汲乎惟朝夕之圖而貽

君父之憂此亦爲臣子者所深恥也當此之時欲於歲入常額之外別求生財之道則搜括一分民受一分之害誠不可以妄議矣至於歲出之數兵餉爲一大宗臣嘗考本朝綠營之兵制竊見乾隆四十七年增兵之案實爲兵餉贏絀一大轉關請卽爲我皇上陳之自康熙以來武官卽有空名坐糧雍正八年因定爲例提督空名糧入十分總兵六十分副將而下以次而減下至千總五分把總四分各有名糧又修製軍械有所謂公費銀者紅白各事有所謂賞卹銀者亦皆取給於名糧故自雍正至乾隆四十五年以前綠營兵數雖名爲六十四萬而其實缺額常六七萬至四十六年增兵之議起武職坐糧另行添設養廉公費賞卹另行開銷正項向之所謂空名者悉令挑補實額一舉而添兵六萬有奇於是費銀每年二百餘萬此臣所謂餉項贏絀一大轉關者也是時海內殷實兵革不作普免天下錢糧已經四次而戶部尙餘銀七千八百萬高宗規模闊遠不惜散財以增兵力其時大學士阿桂卽上疏陳論以爲國家經費驟加不覺其多歲支則難爲繼此項新添兵餉歲近三百萬統計二十餘年卽須用七千萬諸毋庸槩增旋以廷臣議駁卒從增設至嘉慶十九年仁宗親帑藏之大絀思阿桂之遠慮慨增兵之仍無實效特詔裁汰於是各省次第裁兵一萬四千有奇宣宗卽位又詔抽裁冗兵於是又裁二千有奇乾隆之增兵一舉而加六萬五千嘉慶道光之減兵兩次僅一萬六千國家經費耗之如彼其多且易也節之如此其少且難也且今冒昧之見欲請汰兵五萬仍復乾隆四十六年以前之舊蹕而裁之或恐生變惟缺出而不募補則可徐徐行之而萬無一失醫者之治瘡癰甚者必剗其腐肉而生其新肉今日之劣弁羸兵蓋亦當量爲簡汰以剗其腐者痛加訓練以生其新者不循此二道則武備之弛殆不知所底止自古開國之初恆兵少而國強其後兵愈多則力愈弱餉愈多則國愈貧北宋中葉兵常百二十五萬南渡以後養兵百六十萬而軍益不競明代養兵百二十萬末年又加練兵十八

萬而孱弱日甚我 朝神武開國本不藉綠營之力康熙以後綠營屢立戰功然如三藩準部之大勛回疆金川之殊烈皆在四十六年以前至四十七年增兵以後如川楚之師英夷之役兵力反遠遜於前則兵貴精而不貴多尤爲明效大驗也入旗勁旅亘古無敵然其額數常不過二十五萬以強半翊衛京師以少半駐防天下而山海要隘往往布滿 國初至今未嘗增加今卽汰綠營五萬尙存漢兵五十餘萬較之八旗且將兩倍權衡乎本末較量乎古今誠不知其不可也近者廣西軍興紛紛徵調外兵該省額兵二萬三千土兵一萬四千間竟無一人足用者粵省如此他省可知言念及此可勝長慮 臣聞各省之兵稍有名者如湖南之鎮寧江南之壽春浙江之處州天下不過數鎮裁汰之法或精強之鎮不動而多裁劣營或邊要之區不動而多裁腹地或營制太破歸而併之或汛防太散撤而聚之是在兵部之精審督撫之體察未可鹵莽以從事耳誠使行臣之說缺出不補不過六年五萬可以裁畢以一馬二步計之每年可省餉銀一百二十萬十年以外於經費大有裨益此項銀兩不輕動用督撫歲終奏解戶部另行封存專備救荒之款永塞開捐之路養兵爲民也備荒亦爲民也塞捐以清仕途尤愛民之大者也一分一毫 天子無所私利於其間豈非三代公心賢於後世搜括之術萬萬者哉若夫訓練之道則全視乎 皇上精神之所屬 臣考 本朝以來大閱之典舉行凡二十餘次或於南苑或於西廠或於蘆溝橋玉泉山 天弧親御外藩從觀軍容一肅藩部破膽自嘉慶十七年至今不舉大閱者四十年矣凡兵以勞而強以逸而弱承平日久京營之兵既未經戰陳之事又不見蒐狩之典筋力日懈勢所必然伏求 皇上於三年之後行大閱之禮明降 諭旨早示定期練習三年京營必大有起色外省營伍勢難遽徧求 皇上先注意數處物色將才分布天下要害之地但使七十一鎮之中有十餘鎮可爲腹心五十餘萬之中有十餘萬可爲長城則緩急之際隱然可恃 天子之精神一振山澤之猛士雲興

在我 皇上加意而已昔宋臣龐籍汰慶曆兵八萬人遂以大蘇邊儲明臣戚繼光練金華兵三千人遂以蕩平倭寇臣書生愚見以爲今日論兵正宜法此二事謹抄錄乾隆增兵嘉慶道光減兵三案進呈伏乞 飭下九卿科道詳議斯道甚大 臣鮮閱歷不勝悚惶待 命之至

論直隸添設六軍疏稿

倭仁

前聞戶部尙書羅惇衍以直隸添設六軍有十可慮一疏奉 旨交總理各國事務衙門王大臣妥議具奏臣不知該衙門如何議覆惟事關軍國大計雖不與議不能默默竊以直隸練兵以捍衛京師誠至計也然利害相權與其藉外援以資聲勢而流弊滋多不如練京兵以固本根而緩急可恃練京兵約有數利請爲我皇上陳之軍興以來餉精折減旗兵艱苦異常若月益五萬之餉得資養贍不至流爲盜賊利一加惠旗僕可以固結其心益知親上之義利二近在輦轂之下倉卒有事一呼可至利三旗兵各有身家不比招募游民易聚難散利四按期操演之外仍可在家休息別作生理并非長年戍守或擾居民利五外省撥項或有缺乏亦可輪流操練不至恃衆鼓噪別滋事端利六強幹弱支無尾大不掉之患利七京師歲得數十萬餉銀既可以實庫儲蓄可以濟民生利入至於兵得實用餉不虛糜要在乎得人而理否則有練兵之名無練兵之實折衝禦侮仍不足恃京師與直隸其弊一也

答劉霞仙茂才書

江忠源

忝來接奉手書驚悉太夫人於夏間棄養忠源遠在戎行未及稍致生芻歉甚歉甚并悉五月初旬曾承賜書至今並未奉到筠仙亦無音信想道遠均浮沈也忠源冒太不韙墨經從戎又復戰陣無勇致賊擾及桑梓遂攻會垣深愧進退失據乃承垂詢賊情不棄謫不可與言之列聞命之下悚惶萬端竊惟逆匪自滋事以來蔓

延兩省展轉兩年非賊衆而我寡賊強而我弱也其弊在兵不用命將不知兵兵與將不相習將與將又各不相下遂至潰爛不可收拾至於如此今年六月賊至桂平新墟時忠源方在局都護幕中力主圍賊之議都護深違其言因諸將各懷意見其後遂有官村之敗自賊據永安以東路空虛爲都護作書請兵十上而說不行遂有古東之敗賊自桂林竄出致陷全州忠源先軍橋頭堵其西竄新甯之陸路並釘塞河道斷其北竄零陵之水路請於河東紮營以爲合力攻剿之計時都護因傷不起向軍門臥病未來諸將無所統紀互相推諉賊來從河東小路竄出鏖戰兩晝夜奪獲賊船三百餘隻賊之精悍若無幾矣斯時吾楚若稍有防堵前後夾攻何難聚而殲旃乃自入永州境土匪之迎降會匪之入黨日以千計而地方之文武又皆望風先逃一至道州勢遂復熾惟時和鎮軍初統諸軍忠源與之熟商冀其可以集事因諸將不用命以致江華永明相繼失守追賊至七里江竄走定議以萬一千人攔頭九千人追尾無奈攔頭之師遲延不進而所過州縣又皆開門揖盜無能守住一二刻以待追兵之至者自嘉禾以至桂陽郴州賊皆入無人之境賊又知我兵之不能攔頭也而以後隊敵追兵以前隊攻城池由是而永興安仁攸醴一帶遂不保且漸漸逼近省垣矣然其首逆大隊尚在郴州也忠源以前無堵禦恐省城有失則爲禍愈烈遂請和鎮軍於九千人內挑選千餘人並自帶楚勇五百名於初四日自郴起程是夜行至油榨墟接省中來信始知賊之前隊已於二十八日逼攻省垣遂兼程前進於十三日申刻抵省軍於小烏門外次早縋城而入周歷各城防堵雖不盡如法然賊勢尙單逼攻不甚緊急十五日督兵進剿小挫兇鋒十六日賊遂不敢復出惟於周圍高築牆壘我兵進攻賊從牆眼施放槍礮不能得手十七日移軍蔡公墳一帶逼攻賊壘晝夜用礮轟擊賊船鳳凰廳土兵移紮河西以堵賊匪西渡十九日向軍門自桂林起病來省父老留任城中省垣想無顧慮二十日我軍奮力進攻殲賊數十百人二十二日探